

11-2577  
11-1  
11-21  
11-21  
11-21  
11-21

# ADOLYGIAD

AR

# DDARLITH OLAF

Y PARCH. E. ROBERTS, RYMNI,

YN ERBYN "MORMONIAETH."



YN ol yr hysbyslad blaenorol, ymddangosodd y gwr uchod yn areithfa y Capel Isaf (Bedyddwyr), Merthyr, nos Fawrth, yr ail o fis Tachwedd. Yr oeddym wedi anfon iddo yr *Adolygiad* ar ei ddarlithoedd yn Dowlais, fel y caffai y fantais o weled ei gamsyniadau. Hwn oedd y peth cyntaf a ddaeth dan sylw yr areithydd, ac heb gydnabod fod ynddo un rhinwedd na defnyddioldeb, condemniodd ef yn gryswth! Yr oedd yn rhy lawn o wallau i ddechreu ei adolygu, ebe efe; a rhoddodd i ni ddwy enghraifft o hyny, sef, 1. Oherwydd cyfarch y darllenydd gyda'r gair "*cewch yma*," yn lle *cei yma*! Ouid ystyriasai efe hyny yn sarhad arno ef, pe cyfarchesid ef gyda *tydi* yn lle *chwychwi*? 2. Oherwydd y sonia y llyfr am y gair "*dadl*," pan, ebe efe, nid oedd dadl yn bod, na alwodd efe arnom i ddadl. Ac ar yr un pryd daliai yr ochr arall i'r ddadl yn ei law, sef yr *Adolygiad*. "*Cewch yma*, sef yn y llyfr, oedd y frawddeg. Dyma'r cwbl o enghreifftiau a welodd yn dda ddyfynu o lyfr a gynnwysai deugain o dudalenau, cyo ei gondeinio yn hollol. Ond y peth a'n synodd fwyaf oedd, fod Mr. R. yn ei gylhuddo o flagardiaeth! Ac o'i fod yn rhoi y celwydd i'w wyneb ei yn rhy anl; "na ddylid rhoi celwydd i'r naill a'r llall," ac a'r anad nesaf, gwaeddodd nerth ei ben, "Yr wyf fi yn dweyd fod hwn yn *Adolygiad celwyddog*!" Anhawdd yw dwyn dyn o'i arferiad gysetin, onide? Efe ei hun a'i dystion oedd yn profi y celwydd i'w wyneb ef, ac nid y llyfr. "Ei wefusau ei hun a dystiolaethent yn ei erbyn." Ond y syndod oedd, maddwn, fod dyn ag oedd wedi chwilio i waelodion yr iaith, wedi tori dros ei thersynau, a benthycu o ieithoedd ereill enwau drwg i roi arnom ni—y dyn a'n galwai yn *Necromancers, witches, hudoledigion anwybodus*, gwaeth nag infideliad, baboons, monkeys, a llawer o enwau rhy flagardaidd genym eu henwi; ie, y dyn hwn ag

sydd mor wyn, mor lân, ac mor santaidd, a boneddig, yn awr, â'n cōndemnio ni am arferyd gair mor hagar a "celwydd!" Clywsom am gyhuddwr y brodyr yn ymrithio yn rhith angel y goleuni cyn y tro hwn. Os mynir gwybod pwy yw'r blagard, darllener gohebiaethau ein cyhuddwr *boneddig* hwn yn *Seren Gomer* am Tachwedd. Yno ceir enghreifftiau o'i foneddigeiddrwydd hōnedig ef, wedi ei ysgrifenu, cofier, yu bwrpasol i gael ei gyhoeddi mewn cyhoeddiad crefyddol yn "yr oes oleu hon," i.e. gan un a broffesa y titl o Efengylwr duwiolfrydig! Craffer ar frawddegau boneddigaid ein cyhuddwr; dyma hwy—"Y twyllwyr ofergoelus a hūdoliaetqus hyn," sef hyni, siwr, ei gyd-dwynion! Etto sylwer, "Dyma y tylwyth mwyaf anwybodus, digyddydd, ofergoelus, a chythreulig [os nad blagardio yw hyn, hawyr bach, beth yw blagardio?], a ymrithiasant i fodoliaeth erioed dan fantell crefydd; y mae yn ormod o *gompliment* i'r diawl o'r bron ymyraeth llawer â hwyntwy, newn ffordd o areithio ac ysgrifenu," ebe y dyn a'n cyhudda o flagardiaeth!

Yn awr, gwelir mai "putain sy'n gwaeddi putain gyntaf;" ae felly yma. Os gall rhywun, o rywle, i.e. hyd yn nod Mr. Davies ei hun, guro y flagardiaeth uchod, teilynga y cap yn ol oddiar ben ein cyhuddwr yn siwr. O'n rhan ni, rhown ni y goreu iddo yn y fusnes hon yn rhwydd, a da genym ei fod yntau yn ddigon gonest i addef mai talu compliment i'r diafol y mae efe wrth blagardio ac erlid plant Duw! Pwy arall a geisiodd genych ei wasanaethu ef mor selog? Gallasech beidio gwncyd ei areh ef heb golledu neb. Gwarthus iawn fydd i chwi harhau i wasanaethu y diafol fel hyn drwy'r wythnos, ac befyd godi tâl am wasanaethu Duw ar y Sul? Ni ellwch chwithau, er eich rhwysg, wasanaethu dau Arglwydd fel yna yn hwy nag y bydd y eyhoedd yn dod i ddea eich trics, ac efallai yn tynu eu *purse strings* yn dynach y ffordd hono wed'yn. Ac ow, beth a gewch wed'yn? Dychymygyf eich clywed yn llefain fel hwnw gynt,—“Gweithio nis gallaf, a chardota sydd gywilydd genyf.” “Ystranciau,” aie? “Swynwyr twylledig,” yw eich cynmydogion crefyddol, aie, pa rai yr addefasoch eu bod yn proffesu y Testament Newydd a'r Hen? Ond digon bellach i arddangos mai penaf blagard yw yr hwn a waedda blagard ar y dieuog.

Dywedodd y darlithiwr befyd ei fod ef wedi ysgrifenu y darlithoedd a draddododd yn Dowlais, ac mai yr un peth air yn air a geid glywed yn ei ddarlith olaf hon; a gofynai i bawb graffu mai celwyddau yw y cyfan o'r Adolygiad ag a wahaniaethai oddiwrth y ddarlith hon. Felly craffasom ninnau ar hon, gan ei ysgrifenu fel yr ysgrifenasom y lleill; a chan mai yr un pethau "air yn air" a addawai heno; a chan i ni adolygu ei ddarlithoedd hyny mor fanwl yn yr Adolygiad, nid ymdrafferthwn yma lawer ond i ddangos ei fod ef, fel y mae y pryd cōpyn pan mewn gormod brys am ei ysglyfaeth, yn gwau ei rwyd ei hun am dano fel na allo syfyd. Neu roddi ychwaneg o enghreifftiau i ddangos mai po swyaf a winga ein herlidiwr i ddyfod allan o'r mwd, dyfnaf byth y sudda iddo. Yr oeddym wedi rhagdybio mai gwadu yr haeriadau hyny a'i llyffetheiriaid dynaf pan y deuent i'w wyneb; rhag hyn, gan ddysgwyl gweled ei ddarlithoedd, a'i *home stroke*, mewn du a gwyn, yr oedasom gyhoeddi yr Adolygiad cyhyd; ond dysgwylasom

ya ofer, canys yr oedd efe wedi "*smelio y rat.*" Triniasom y boneddwr yn bur dirion ar y cyntaf, oherwydd y meddyllem y gallasai fod mor ffol â chredu ei ddarlithoedd ei hun, ac o ganlyniad y gallasai fod yn gydwybodol yn erlid plant Duw yn ei anwybodaeth fel Saul gynt; ond erbyn hyn cafwyd ffeithiau digonol yn ngwrthodiad pendant y dyn o wirionedd, a'i ystyfnigrwydd yn parhau i haeru camgyhuddiadau gwybodus mor haerllug, i brofi nad Saul gydwybodol oedd dan ein ewinedd, namyn Nero greulon hyd gyrhaeddiad ei ewinedd yntau. Gan hyny dyfynwn ychydig o'r llawer o wahaniaeth oedd rhwng y ddarlith olaf hon â ddarlithoedd Dowlais, sereb iddo ef addaw y byddai yr un peth. A chan eu bod yn ysgrifenedig, os na ddaw "air am air," nid ellir esgusodi ei ddyben yn gwahaniaethu, trwy ddywedyd mai ar ei gof yr oedd y bai.

Ni ynganodd air yma, fel y gwnaeth yn Dowlais, 1, "Fod Cristionogaeth yn anghyfnewidiol:" gwel Adol. tud. 5. Ni soniodd yn 2, "O bob eithafion, yr eithafion mewn crefydd yw gwaethaf:" gwel Adol. tud. 6. Dysgodd well erbyn hyn na gwaeddi, 3, "Peidiwch a'u gwrando:" gwel Adol. tud. 7. Cyweiriodd ei wely sereb hyny yn meddyliau ei wrandawwyr drwy adrodd am y twyllwyr a fu yn y canrifoedd mynedol, ond gwadodd nad oedd efe yn dweyd fod beichiogiad bonedig Anne Lee, neu Johana Soutcoat, o'r Ysbryd Glân yn enghraifft o Joe Smith! ond profai hyny, ebe efe, nad peth newydd yw hōni gwyर्थiau a dadguddiadau! Eithr ni fuasai raid iddo chwilio hanesion dynion drwg i brofi y gosodiad yna, canys gallasai brofi yn gadarnach fyth o'r Beibl, pe meiddiasai ddod i'r maes dan *flying colours*, mai peth hen iawn yw profesu gwyर्थiau a dadguddiadau! Felly gweler mai dyben y gwr yn nodi yr enghreifftiau hyny oedd i brofi mai twyll a chyfeiliornad gwarthus yw hōni gwyर्थiau a dadguddiadau yn mhob oes, neu o leiaf, dyma a brofa ei resymeg, nad beth a feddyliai efe! Ae onid cofus i ni brofi o'r blaen mai deist trwyadl yw y dyn o galon? a pha brawf ychwaneg sy'n eisieu na'r resymeg ei hun? Haerodd a gwadodd droion fod, ac nad oedd, y rhai cyfeiriedig yr enghreifftiau o "Joe Smith." Dysgodd well erbyn hyn nag ynganu gair am 4, "Compass y Morwr, &c." gwel Adol. tud. 14. Dim gair am 5, yr "Alpha ac Omega:" Adol. tud. 13. Ond rhy faith fyddai nodi yr holl wahaniaeth oedd rhwng y ddarlithoedd â'u gilydd. Digon yw hyna i ddangos pa mor wirioneddol y gall efe ddarllen ei ysgrifen ei hun.

Yn nesaf, gwelir ei wyrngamrwydd hanesyddol fel y canlyn:—Dyfynodd lawer o hanes gelynyon professedig i brofi tarddiad, cyfieithiad, a chynnwysiad, Llyfr Mormon, ynghyd â chymmeriad ei gyfieithydd, &c., gan haeru uwch eu penau mai hanes y Mormoniaid eu hunain oeddynt, ac unwaith dyfynodd ychydig o hanes J. Smith ei hun: a syndod mawr os oedd yno undyn mor ddall a'r na welai y gwahaniaeth rhwng hwnw a'r lleill! Dywedai y lleill fod Joe Smith yn grwydryn, gwallgofddyn, yn cloddio am arian, Neeromancer, &c., a darfod iddo gyfieithu llyfr Mormon drwy offerynoliaeth "*peep stone,*" a'i ben mewn het, a blankets rhyngddo â'i ysgrifenydd, &c. Ac etto haerai ein ddarlithiwr yn ben uchel mai hanes y Mormoniaid eu hunain oedd hyn, pan ar yr un pryd uac'n ddiadl y gwyddai efe ei hun, ac

yr oedd yn ddigon amlwg i bawb oddiwrth yr hyn a ddarllenodd ar y pryd o hanes y Saint en hnnain, pe dim arall, mai haeriadau eu gelynion oedd y lleill. Os y Mormoniaid a gyhoeddodd y pethau hyny, pa le y cyhoeddwyd hwynt? pa lyfr, gwlad, neu amser? Etto, meddwn, os y Mormoniaid a ddywedasant fod y ddwy gareg hyny yn meddiant Joe am flynyddau. ac yr edrychai drwyddynt i'r ddaear am drysorau; ac os hwy n ddywedant eu bod yn y gist gareg ar yr un pryd, fel yr haera ein darlithydd, yn enw rheswm, paham na ddygai yr hanes hwnw yn mlaen, ac enwi y tyst, ei ysgrif, y tudalen, &c.? Y mae genym hawl i ofyn am gymmaint â hyna o brofion o'i haeriadan, bid siwr, er cymmaint yw ei anfaledigrwydd; ac er gofyn o'r blaen am brofion, nid oes i'w gael ond haeriadau fyth, "mai hanes y Mormon-yw." Tebyg yw y ffugio ein hanes hyn i'r ffugio ein cymmeriad gyd â'r Anerchiad gwarthus hwnw ar cin henwad yn y *Sereu Gomer* am Tachwedd, a hloeddia y ddwy ysgrif "Fy nhad, fy nhad," yn ngwyneb yr un gwr. Ond gwadwn ni mai hanes y Mormoniaid a ddywed y pethau uchod, a pharlhawn i wadu hyd oni cheir prawf i'r gwrthwyneb, yr hyn ni cheir byth. Os yw hanesyddieith y Mormoniaid mor felys gan y gwr hwn, paham dweyd o'i bwlpud yn Dowlais, mai LLYFR YN DANGOS DIAWLEDIGRWYDD JOE, yw ein llyfr hanesyddol? Ond i ddod yn nes etto. Gofynnw beth oedd yr hanes gwirioneddol am awdwr a tharddiad yr un llyfr Mormon yn Dowlais gan yr un dyn? O, sicrhâai yno ar sail dim llai na llw gweddw a merch dduwiol y parchedig dduwiol, sef Mr. S. Spaulding, mai efe oedd gwir awdwr y llyfr hwnw ag y dywed yr un darlithydd wrth ddarllen yr un ysgrif "air am air" yn Merthyr mai "Joe Smith oedd ei awdwr!" Darllenai yr un awdwr o'r un ysgrif yn Dowlais, mai yn New Salem, talaeth Massachusetts, y cyfansoddwyd Llyfr Mormon. Yn Merthyr darllenai o'r un ysgrif "air am air," mai yn agos i dref Manchester, y cwr gorllewinol i dalaeth Caerefrog Newydd y cafwyd yr un llyfr, er fod tua 1000 o filldroedd rhwng y manan â'n gilydd! Yn Dowlais, darllenai o'r un ysgrif mai yn y flwyddyn 1812 y cyfansoddwyd y llyfr Mormon. Yn Merthyr, profodd yn ddiwrthbrawf drwy ddarllen yr un ysgrif "air am air," mai yn y flwyddyn 1827, neu 1830, y cyfansoddwyd ef! Ysgrif go ryfedd oedd hono, onide? Ie, meddyliwn mai dyma y gwr sy'n meddu y *peep stone*, neu y peep ysgrif dryloew yn hytrach! Yn siwr, rhyw ysgrif wyrthiol yw eiddo ein darlithydd, os dywed air am air yn y llall, ac etto mor hollol groes o barthed i'r un peth! Gwelir yma na ellir cymmodi ysgrif wyrthiol y gwadwr a'r gwawdiwr gwrthiau hwn â hi ei hunan, nac â'i hawdwr, hyd oni phrofa efe mai yr un person yw Joe Smith a Solomon Spaulding—hyd oni chipia ddinas New Salem o dan ei aden wyrthiol, a'i chario tua mil o filldroedd i'r gorllewin, a'i hunaniaethu a'r manau ereill a nodwyd—hyd nes y profa ei *logic* i ni mai yr un amseryddiad yw 1812, a 1827, neu 1830! Er mor wyrthiol fyddai y pethau hyn, rhaid i Mr. R. naill ai eu cyflawni yn llythyrenol oll, cyn y gwiria ei haeriad, sef "y rhoddai yr un ddarlith air am air ag yn Dowlais," nen addef nad "mor air am air" y darllenodd ei ysgrif yn y ddau fan. Os gwna y blaenaf, sef y gwrthiol, rhown ni i fyny iddo yn foneddig, canys nid ydym ni yn professu y fath allu gwyrthiol â hyna. Etto, os na wna hyna, rhaid

iddo addef ei fod ef wrth geisio rhoi y celwydd i'n hadolygiad wedi cloddio fîs, a chael ei gwmpo iddi ei hunan; i.e. rhaid iddo addef mai efe yw'r anwireddwr cyhoeddus! Arosweh i fyny yn foneddig y tro hwn ynte, gyfaill? Os gwnewch, wele ni ar lan y fîs yn barod i estyn llaw i'ch helpu i'r lan o'r mwd yna etto, er brynted yw. Dewch, dewch, peidiwch bod yn ystyfnig yn hwy; nid yw hyny un mymryn o les i chwi, coeliweh. Gwnewch a dywedwch a fynoch yn erbyn Mormoniaeth, fe'ch llorir yn mhob cynnyg cyn sicred a'ch bod yn gwingo yn erbyn symbylau dwyfol. Er eich mwyn eich hun dywedwn, gadewch eich "ceffyl a'r hotasau yn y mwd," ac achubwch eich bywyd eich hun ar gost pob peth, beth bynag. Peth draenog iawn yw'r Mormoniaeth yma i'r cwn fo am ei llarpio, onide, Mr. Roberts? A chlywir aml un yn lleisio pan yn dianc ymaith i'r North' a'u cegau yn gwaedu oherwydd ei gwasgu hi dipyn rhy galed a byrbywyll, nes yr aeth ei phigan boh ffordd hyd y quick! Ond os gwneir chwareu teg â hi, y mae yn un o'r pethan *rhadlonaf, boneddigeiddiaf, a hyfrydaf*, ag a welsoch erioed. Nid Mormoniaeth, ond rhyw "fwgauod gwynion o liw arall," yw y rhai a ddirdynwch chwi mor gampus. "*You have awoke the wrong passenger, Syr.*" Beth oedd yr achos o ddifrif Mr. Roberts (dywedwch y gwir am unwaith), i chwi fod mor fud am y *Spaulding Story* yn Merthyr? Dim gair, na *heu* na *naw* nid yngan-asoch am beth mor hwysig, a pheth ag oedd yn dal y fath gyssylltiad â, i.e. yn hegwn a gwreiddyn gwirioneddol eich hanes am lyfr Mormon, ebe chwi yn Dowlais!

Ond beth a wnawn ni yn dilyn y dyn mor fanwl, ac yn ymdrafferthu i wrthbrofi ei gyhuddiadan, pan nad yw efe yn eu credu ei hun. O nac ydyw; nid yw efe yn gwybod mai twyll yw Mormoniaeth—mai gwallgoffdyn oedd J. Smith—mai athrawiaeth gythreulig yw, na dim arall, serch iddo haeru hyny: canys (clywch bobl!) dyweda Mr. R. ar gyhoedd yn hysf y bydd efe yn Formoniad ei hunan yn y fan os caiff weled un, i.e. dim ond un wyrth fechan! Wel, dyma addefiad naill ai nad yw efe ya credu fod ein crefydd mor gythreulig ag y desgrifiodd efe hi, neu yr ymwertha efe i'r cythraul er boddio ei lygaid! Dyma addefiad hefyd na wyr efe gwas i bwy ydyw efe ei hun yn awr, na phwy yw y rhai a erlidia mor selog! Dengys yr ysgrhythr i ni y gwna gweision y diafol wyrthiau a rhyfeddodau mawrion, ac a dwyllant lawer, i.e. hyd yn nod i beri i dân ddyfod i lawr o'r nefoedd yn ngolwg dynion. Y rhai hyny, ac nid gweision Duw, a broseltyiant Mr. Roberts a'i gyffelyb gyntaf o Lawer, canys bydd efe yn-rhwym, yn ol ei resymeg ei hun, o greu a chanlyn y rhai hyny a wnant wyrthiau iddo, nad beth fydd eu proffes, eu hegwyddorion, pwy fydd eu Duw, a pheth fydd eu Beibl, na pha le y bydd eu tynghed! Yr eiddynt hwy raid fod yr eiddo yntau, druan, eu pohl hwy ei hobl ef, eu Duw hwy ei Ddnw ef, ac fel y gwnant hwy y gwnaiff yntau, a'u huffern hwy fydd ei uffern yntau, ond yn unig iddo gael gwyर्थ fach!!

Chwi Fedyddwyr, y rhai a honwch grefydd Crist, ai dyma'r fath fugail sydd arnoch chwi? Beth! arweinia hwn ei holl braidd i gorlan y lleiddiaid, ebe efe, pan y delo y gaubrophwydi hyuy a wnant wyrthiau! O ffolineb! Ai iaith gwas i Dduw yw hyn? Ai ymddygiad bugail da, ynte blaidd, yw hyn? Pa le ceir hanes am was honedig

I Dduw yn gwadu gwyrthiau, ac ar yr un pryd yn galw ar y rhai a eilw efe yn weision i'r diafol, am iddynt wneyd un wyrth fach o flaen ei lygaid ef, gan addaw, os gwnant, y gwrthoda efe ei holl grefydd flaen- orol, ac y caulyna efe hwy? Yr oedd ei baeriadau braidd yn rhy wael a gwarthus i sylwi arni lawer cyn yn awr; dyma efe yn gosod ei hun a'i holl grefydd ar actiwn, fel y gosodir y Negro truan i'r uchaf ei geiniog. Y mae trueni dros y du, druan, oherwydd nad eill efe wrth ei gaethiwed: cael ei orfodi y mae; ond am y gwyn hwn, gosod ei hun i fyny ar actiwn y mae efe yn wirfoddol! Ie, cynnyg gwerthu enaid a chorff i'r sawl a wnelo wyrth fach iddo gyntaf! Wel, wyddys ai Duw ai diafol ai pryns: ac ni wyr yntau ei hun etto, canys yr hwn a ddelo a'i wyrth gyntaf a'i caiff, ebe efe ar ei wir! A chan na ellir ei gael ond ar ammodau gwyrthiol, sier yw na chawn ni byth mohono, canys ni ddysgwylw'n byth gyrhaedd ddigon galluog i'w brynn o honom ein hunain; ac os pryna Duw ef y ffordd yna, bydd mwy o waith naddu a thremio arno nag a ddymunem ni gael gydag ef; canys mynai efe rodio (nid wrth ffydd, fel y dywed Paul), ond wrth olwg; a phan gollai ei olwg fel na allai weled gwyrth, collai ei grefydd a'i fywyd yn y fan. Ow! dyma'r fath ddyw yr ymdrafodwn ag ef! Druan o hono; y mae trueni calon arnom drosto, a thros y rhai a gymmerant eu dallu ganddo; ac yn awr, gadawn iddo soakio yn y mwd yna dipyn yn hwy, gan iddo wrthod ein help i ddyfod allan, ac efallai y bydd Mr. R. mor dirion a'n hysbysu os caiff ei bris gofynol am dano ei hun, a pha un ai Duw ai y diafol a'i prynodd!

Weithian, ddarllenwyd hynaws, cynnygiwn i chwi ffordd ragorach, gywirach, a sicrach o lawer i rod-di terfyn ar y ddadl, ai gwir yw Mormoniaeth ai nade; ffordd, meddwn, na eill ein gwrthwynebwy'r ei chynnyg i neb. Dyma yw mewn gwir. A oes eisieu gwybod ai dyn dduw oedd Joseph Smith. Ac a fynwch chwi gael gwybodaeth sier ai efengyl Mab Duw yn ei nerth sydd gan y Mormoniaid? Wel, ufyddhewch i'w hammodau o galon gywir, ac yna profa Duw, drwy gyfranu i chwi eioh hun hrawfiadau dwyfol o hyny trwy ei Yshryd Glân, yn ol addewidion Iesu Grist, mai gwirionedd yw darfod i Dduw, ie, drwy un mor wael a Joseph Smith gyfranu i ni oruchwyliaeth ei efengyl. Nid ystyriwn ni yn gymmaint o bwys beth a gredir am J. Smith, nac am neb personau, ood cael gan ddynion ufyddhau i efengyl Mab Duw, canys *Iesu Grist*, ac nid *Joseph Smith*, yw yr hwn a bregethir yn ein mysg ni. Os na phrofa Duw i'r sawl a ufyddhao i'r drefn hon mai ei was ef oedd J. Smith, nid ymdrafferthwn ni i'w perswadio i goelio hyny; gwnant yr hyn a ddewisant. O'r ochr arall, wedi y profo Duw hyny iddynt ni cheisir profion o hyny genym ni. Dyma ffordd o foddio bob dyn gonest yn awr yn well na gwaeddi, "chwi dwyllwyr, gwnewch i ni wyrthiau, &c." Ie, dyma fel y dywedai ein meist'r doeth o'n blaen, "Os ewyllysia-*neb wneuthur* ewyllys fy Nhaid, efe a gaiff wybod am y ddysgeidiaeth [Formonaidd] ai o Dduw y mac." Galluogir pob un fel hyn i ddyfod i benderfyniad sier, a'i gwir ynte celwydd a ddarlithir i'n herbyn; ceir siwr, fel hyn ceir profion gan Dduw yn annibynol ar yr oll a ddywedir o blaid nac yn erbyn "Joe Smith," a phoh dyn arall. Wel, a ofynir ymresymiad teac'h na hwn? A oes modd cael ffordd sicrach neu rwyddach?

Paham gwrthod y cynnygiad teg hwn, ynte? Etto meddwn, os ŷa phrofa Duw mai llyfr dwyfol yw Llyfr Mormon, wedi y gwneleu prawf o hono, peidier byth a'i gredu o'n rhan ni; ac o'r ochr arall, wedi y profa Duw ef yn wir. Pa wlu, pa waeth, fod holl fleiddiaid y byd yn hyll floeddio mai celwydd yw.

Ystyriwn hyn yn cloi y pwne i fyny o'n hochr ni dan gloion dwyfol a thragwyddol, ac yn dangos anonestrwydd a ffolineb yr hwn a ddadleua yn erbyn cynnygiad mor *deg a didwyll a hwn heb ei brofi*.

Traddodwyd Darlith yn Neuadd y Cymreigyddion, Merthyr, nos Fercher, y 10ed o'r un mis, pan yr adolygwyd Darlith Mr. Roberts, yn y Capel Isaf, (Bedyddwyr), Merthyr. Yr oedd y Neuadd yn orlawn o wrandawwyr boneddigaidd ac astud. Profwyd yno fod Mr. R. wedi dwyn yn mlaen mewn un araeth dros ddeg ar hugain o gamgyhuddiadau yn erbyn y Mormoniaid a'u crefydd, ac amddiffynwyd, nid gyda haeriadau disail fel eiddo ein herlidwyr, ond ag *ysgrythrau, ffeithiau, a hanesion gwirioneddol, a diwrthbrawf*. Yr oedd yn amlwg oddiwrth sirioldeb ac nstuderwydd y gwrandawwyr ar y pryd, ynghyd a phob tystiolaeth a ddaeth i'n clustiau er hyny; fod ein gwrandawwyr yn caru y *gwirionedd*, ac yn ffeiddio ymosodiadau enllibus, gwaradwyddus, a diachos ein herlidwyr arnom oherwydd ein crefydd. Ffaith nodedig arall a brofa fod yr erlidwyr hyn yn gwneyd lles i'r gwir o'u hanfodd yw, fod ein Neuadd yn llawnach o wrandawwyr nac erioed, i.e. bob Sabboth er hyny y mae yn orlawn. Ac yn mhellach etto, dywedwn fod genym ffeithiau gwell etto i brofi fod pob peth, a *hyn hefyd* yn cydweithio er daioni, sef, Bedyddiasom 10 yn Merthyr yn yr wythnos hono ag y bu efe yn darlithio, ac amryw, fwy neu lai bob wythnos er hyny hyd yn awr. Ie, ac y mae y cynnydd yn parhau, a'r gobeithion yn cynnyddu, a'r Saint yn llawen fwynhau bendithion a doniau dwyfol fwy fwy drwy y cwbl. Ac nid mewn din arall braidd y dangosa ein herlidwyr eu dallineb a'u ffolineb yn fwy nac drwgfeddwl y gallant ddiddymu Mormoniaeth o'r wlad! Profa hyn nas gwyddant beth y maent yn ei wneuthur. Profa eu hanwybodaeth o honi, ac o ganlyniad eu hanaddasrwydd i'w gwrthwynebu. Etto, meddwn wrthynt oll yn un, gyfeillion, "*you have come to the wrong pew.*"

#### "DARLITH AR FORMONIAETH."

Wedi ysgrifenu yr uchod daeth y *Seren Gomer* am fis Rhagfyr i'n llaw, ac ynddi ysgrif dan yr enw uchod, o waith rhyw Dafydd Lewis, Merthyr, yn hŷni rhoddi hanes am y cyfarfod rhag-grybwylledig; a dyfynwn yr hyn a ganlyn o hono yn enghreifftiau i brofi yr hyn a ddywedasom eisoes, sef yr anmhosiblwrwydd i gael *hanes, desgriafiad*, na braidd *frawddeg* wirioneddol o enwau nac ysgrifellau ein herlidwyr; a gwel pob un a wyr y ddwy ochr y rhaid fnd y Dafydd Lewis hwn fel y y lleill wedi hlr ymarferyd a gwau celwyddau gwirfoddol yn rheffyn cyn y meiddiasai ysgrifenu y fath dusen anwireddus i'r *Seren Gomer*; ai fnd yn hollol ddigynmeriad am wirionedd cyn y rhoddai ei enw wrth y fath ysgrif yn ngwyneb y cannoedd lawer oddeutu Merthyr a Dowlais, se hyd i "Fristol hefyd," pa rai a wyddant trwy brofiad nad oes yn ei ysgrif oll braidd argoel o wirionedd i'w gael! Beth a feddylia y tor-

feydd lliosog a pharchus sydd yn ymgasglu i wrando y Mormoniaid yn Dowlais yn gysson, wrth yr hyn a ganlyn?—"Ni fnasem yn gwneyd sylw mor gyhoeddus o'r fath gyfeiliornad amlwg yn Merthyr, oni fuasai y llwyddiant a'r daioni (*alias* yr aflwyddiant a'r drygioni i'w crefft hwy) a ddilynodd darlithian ein parchus (?) frawd ar yr un pwnc yn Nowlais, rai wythnosau yn ol. Effeithiodd ei ffeithiau cedyrn [chwedlau gwein-iaid a gwarthus]—ei hanes fanwl [ond unochrog hollol]—a'i resynau [haeriadau] anatebadwy [pa rai a atebwyd oll yn effeithiol yn yr *Adolygiad*, yr hwn a feddai yr hanes ar y pryd, heblaw drwy amryw ddarlithoedd, nes y maent yn ddiareb a gwarth] i oleuo pobl Dowlais. [do eu goleuo i weled twyllresynau ffol y darlithydd yn eglur], fel y mae rhai o'r Mormoniaid wedi gadael y *system* dwyllodrus, (naddo meddwn, ni lwyddasant i gael gan gymmaint ag un adael y Saint drwy'r holl *grusade* gwarthus yn eu herbyn; ac os nad gwir a ddywedwn, cyhoedder eu hennwan i'r byd fel y gweler pwy a pha nifer y'nt, canys cyhoeddasant o'r blaen nad oes un wedi eu gadael yn Dowlais wedyn, ao y mae y bachgen truan a gyffogasant i'n herlid a'i holl galon yn edifarhau am hyny; na thebyg y gadawa neb, ond cadarnhawyd hwy yn yr athrawiaeth fwy nag erioed. Prophwydodd hen brophwyd Caersalem mai felly y byddai, mac'n wir, a chyhoeddodd hyny heb sill o wirionedd ynddo; ond y mae mor sicr a hyny mai holl groes y mae y gwir; a'r neb a amheua a alla gael ffeithiau i brofi nad oes braidd wythnos wedi myned heibio er hyny ar na fedyddiwyd mwy nen lai gan y Saint, i.e. yn *Dowlais*, yr hyn a ychwanega at y lluaws o ffeithiau a feddid eisoes i brofi mai gau-brophwyd yw ein hen erlidiwr creulon o Dowlais. a'i ddyseyb! on hefyd, pa rai a glebrant hyn ar ei ol, fel y *parots* yn dynwared eu gilydd. Beth na ddyweda y rhai sydd mor rhyfygus a chyhoeddi hyn yn ngwyneb y cyhoedd a goleu dydd? Mai "ychydig" yw y Saint yn Dowlais, ao yn "watwargerdd" sydd mor anwiredus a'r gweddill o'i haeriadau, fel y gwelir yn ddiwrthbrawf wrth ein cyfrifon a geir yn hanes Cymmanfa Morganwg yn *Seren y Sain'* am Ionawr, 1843. Ac yma cywilyddied y Dafydd Lewis hwn, os oes cywilydd ynddo! Dyfyniad arall a arddengys falais ac anhegwch yr hanesydd sydd fel y canlyn:—"Wedi i Mr. Roberts draddodi y pethan hyn yn Nowlais, ysgrifonodd un o'r Mormoniaid, beth a *ehwir* yn *Adolygiad* ar ei ddarlithiau; cododd Mr. R. y *patchwork* gwrthyn hwn i sylw y gynnnlleidfa barchus ag oedd ger ei fron gyda deheurwydd neillduol (gweler ei ddeheurwydd arferol yn uechreu y traethawd hwn! dim ond y *ddwy* enghraifft a nodasant o gwbl!! Dyma dull y dynion hyn, set cyhoeddi *anthebau* gydag *anffaeledigrwydd* uwchben pawb a phobpeth na allant wrthbrofi! felly yma, fel y profa yr *Adolygiad* drosto ei hun i bob gonest ei egwyddor. Paham na adawsent i'r cyhoedd ddewis eu barn eu hunain, yn enwedig gan yr haerant mai chwareu teg i'r geneidl yw eu dyben?) gan ddaugos gwendid y *system* (pa fodd, Syr? Beth, a brofodd? naddo ddim un *prau*f, ond ei haeriadau haerllug a disail) nad oedd ganddi gryfach amddiffyniad i'w haeriadau nag oedd yn y llyfryn dwl ac idiotiaidd hwnw." I.e. dyma hi etto, yr hen rigwm haeriadol a dibrawf fyth. Cynnwysa y llyfryn hwnw wrthbrofion rhy gedyra i Mr. R. en gwrthbrofi, na neb o'i *ddupes*, ond chwiliant yn ddiwyd serch hyny am y brawddegau mwyaf blagardaidd i ddiystyru a chondemnio yr hyn ni allant wrthbrofi. Os y cyfryw yw y llyfryn, mwy rhesymol fuasai i'r dynion annog pobl i'w



ddarllen; fel y gwelent beth yw yn lle dangos euogrwydd eu cydw-  
bod drwy eu hofnau i neb ei ddarllen. Ond, nid ofiwn eu dedfryd, gan  
fod yr *Adolygiad* hyd y wlad yn tystio trosto ei hun, nes ag yr addefa  
hyd y nod y *Bedyddwyr* gonest ei foâ yn *home stroke* i'w darlithoedd,  
na wellant byth o hono. Daeth un o bregethwyr parchus y Bedyddwyr  
yn y cylchoedd hyn atom yn bwrpasol i gael ei fedyddio genym yn fuan  
wedyn, gan addef ddarfod i'r Adolygiad ei argyhoeddi yn drwyadl o  
dwyll a drygioni pregethwyr y Bedyddwyr, ac o wirionedd Mormo-  
niaeth! Bedyddiasom amryw o'u diaconiaid hefyd, ac aelodau, a daw  
ychwaneg etto yn fuan. Enghraifft arall o'i haerllugrwydd gwarthus  
yw yr hyn a ganlyn:—"Dywedai Mr. R. yn groew ar gyhoedd, y gad-  
awai ef y fleithiau (?) hanesyddol oedd ganddo er profi twyll Mormon-  
iaeth yn gwbl o'r neilldu, ac yr anturiai ar dir y BEIBL Mormonaidd *yn*  
*uniy*, (do dywedodd hyny! pa faint nes oeddym i gael y gwir er hyny?  
Yr un peth fuasai iddo haeru y gallasai efe newid y lleuad! Yr ydym  
wedi profi drosodd a thrachefn mai yr un yw ein "Beibl" ni ag a broffesa  
yr holl gristionogion ei gredu. Nid oes genym *feibl* arall; a gwyr y  
dynion hyn o'r goreu, ac er y cwbl "*Beibl Mormonaidd*" yw eu fregod  
o hyd! Yn enw rheswm pa bryd y ceir terfyn ar y fath haeriadau en-  
llibus ac addunedau, a dechreu cyflawni rhai o honynt bellach? Etto  
meddwn, y *Beibl cysegrlan* yw *Beibl* y Mormoniaid hefyd, craffer y tro  
hwn ynte!!! a pha reswm haeru yn groes o hyd, pwy a wyr oreu?  
Ein gelynyon fyth a'n henllibant ac a'n gwawdiant am hyny! (gan brofi  
o hwnw (ebe efe) mai *forgery* noeth ydyw." Haerodd yn Dowlais mai  
*forgery* o'r "*Spaulding Romance*" ydoedd, ond cofier iddo brofi yn groes  
i hyny yn Merthyr yn hollol! os *Llyfr Mormon* a eilw efe yn Beibl  
Mormonaidd. Heriwn ninnau ef i gyflawni yr haerial hwn ychwaith,  
ac hyd nes y gwneio hyny nid oes ganddo hawl i grediniaeth un dyn  
geirwir, canys gormod gorchwyl yw iddo ef na neb arall brofi Llyfr  
Mormon yn gyfryw, oddieithr iddo ei wyrdroi a dyfynu o hono yr hyn  
nid oes ynddo, fel y gwnaeth yn Dowlais yn gywilyddus, gwel *Adolygy-  
iad*; "ond am eu *haeriadau*, gormod gwaith i un meddyg Mormonaidd  
yw eu gwella o'u clwyfau yn ardaloedd Merthyr a Dowlais byth mwy." Mae  
hyn hefyd yn anwiredd gwybodus i Mr. Lewis, neu gallai wybod  
wrth y torfeydd lluosocach nac erioed a ddenant i'w gwranddo bob sal  
yn ei ymyl er hyny, fod ein cynnydd yn fwy nac erioed, ac os amheua  
(yr hyn ni alla yn ei galon) deued tua Neuadd y Cymreigyddion ar nos  
Sul, ac os gaHa gael lle i eistedd, rhaid iddo ymddarostwng ei chwydd  
mawr i gwmpas llai nac y teimla ei hun yn awr. Etto, ebe efe, ac yn  
rhwym o fod dan frathiadau cydwbybod euog, "gobeithiwn y daw y  
llyfryu hwnw allan cyn i'r Saint ddiifoddi yn llwyr y flordd hon, (daw  
Syr, peidiweh ac ofni; os daw byth daw cyn i'r Saint ddiifoddi yma, yn  
ol yr argoelion a geir, er hyny o fedyddio deg yn yr wythnos, a mwy  
neu lai bob wythnos, a sierbawn fod eglwys y Saint yn Merthyr, yn lluo-  
socach er y cwbl nac un eglwys a berthyn i un enwad yn Merthyr, a  
chaniatawn eu rhif hwy eu hunain! A ydych yn barod i rifo, neu i  
dewi a'ch "ychydig" llai, lleiaf, &c., o hyd? Gwnewch y naill neu y  
llall bellach rhag cywilydd! Mae i ninnau hawl i brophwydo tipyn am  
Formoniaeth bellach, hid siwr, gan fod pob crach-olygydd a chrach-bre-  
gethwr, a chrach-shiopwr, a chrach-erlidiwr, yn treio eu talent ati; a  
dyma yw, prophwydwn mai gwaith ofer yw cyfansoddi ei "Marwnadau,"

a pharotol ei "phregethau angladdol," ac na bydd byth eu heisiau; ac amser a ddengys yn amlycach etto mai *gau-brophwydi* yw yr holl rai sydd yn darogan adfeiliad a marwolaeth Mormoniaeth mor sicred a'i bod hi yn llawn o "nerth bywyd anherfynol." Bydd galwad am bregethau angladdol Mr. Davies o Ddowlais, Roberts o Rymny, Dafydd Lewis, a Golygydd y *Seren Gomer*, ynghyd a'i holl erlidwyr, cyn y bydd hi farw; i.e., cyn y bydd un argoel ei bod hi yn glaf ychwaith! Sylwer pwy a brofir yn au-brophwydi, ynte; wrth eu firwythau yr adnabyddwch hwynt. Dyma ein prophwydoliaeth ni! Dyfynasom eisoes fwy o'r ysgrif warthus hon nac a feddyliasem ar y dechreu am wneyd; ond er hynny goddefer i ni ddwyn yn mlaen yr hyn a ganlyn etto er lliwio y darlun yn iawn; canys, meddylied yr ysgrifenydd hwn yn ddiffigiol i'r holl grach-ysgrifenydd, a'r Golygyddion ereill braidd a'n trinant, oddieithr iddo gofio rhoi yr enwau boneddigaidd, efengylaidd, a charedig a ganlyna arnom; sef—"A chydfarnai *pawb!* (Pawb, aie, pa fodd y gwyddech hyn, Syr, oddieithr eich bod yn hollwybodol? O na, hollol groes oedd y peth; canys yn nghanol y dorf wrth ddyfod o'r cwrdd hwnw yr holl a glywem hyd yr heolydd oedd dynion a benywod yn adrodd eu syndod a'u siomedigaeth fawr o fod un dyn mor ddwl ac adrodd y fath chwedlau afresymol uwelben ei gyd-ddynion am wirionedd, pan yr oedd y naill beth yn croesi y llall o hyd. Pe buasai yr hanesydd gyda ni clywsai yr areithydd yn cael ei wffio a'i gymeni yn waeth nac y clywsom un areithydd yn cael ei drafod erioed. "Wel, wel, dyna'r dwla oll, yn lle gwrthbrofi eu hegwyddorion o'r ysgrhythrau, ni chynygiodd un ysgrhythr o' gwbl," (ebe y bobl o'n deutu ni) "o na (ebe arall) gwyddai well na chynnyg ysgrhythr, na dim ond hen chwedlau gelynyon i wrthbrofi crefydd ein cymydogion!" ond cyd-farnai pawb, gydag Iorwerth (ebe efe) y gellid yn rhwydd restru y "Seintiau" twylledig gyda'r *witches*, (eithr nid ellid eu rhestru gyda y *defaulters*, serch hynny?) a'r *fortune tellers*, a llefaru uwch eu pen hwynt, a'u Mormoniaeth yn iaith Twm o'r Nant, &c." Ie, ddarllenwyd, dyma y *finishing stroke* etto fel arferol, condemnio en cymydogion crefyddol am *witches, fortune tellers, &c.*, yn hollol ddibrawf, a phan amddiffynwn, blaeddiant *blagard-iaeth, celwydd, &c.* Pwy mor ddall a'r na wel eu dichell a'u cenfigen at y gwirionedd? Oes y mae cannoedd yn mhob cwr yn agoryd eu llygaid bob blwyddyn, ac hyd y nod o blich dyscyblion ein herlidwyr y mae amryw gannoedd wedi ymuno a Mormoniaeth yn Nghymru eleni. Braidd bob dydd clywwn amrai o'r Bedyddwyr, i.e., rhai o eu *pregethwyr* a'u *diaconiaid*, yn nesu yn mlaen i glywed yr ochr arall i'r hyn a erlidir gymraint gan eu bugeiliaid, yn gwranddo—yn credu, ac yn cael eu bedyddio gyda y Saint, a'r rhai a welsom hyd yn hyn yn diolch i Dduw ddarfod i'w sylw gael ei dynu at Formoniaeth drwy erledigaeth, a thystiant na chymmerent mor byd am y cyfnewidiaid er gwell. Tra yn ysgrifenu y linell olaf, hysbyswyd ni am un o'r Bedyddwyr, ac yn wraig i un o ryfelwyr a fedyddiwyd ddoe gerllaw i yma. Dyma effeithiau y darlithio mawr i'n herbryn, a goren po fwyaf o hono o'n rhan ni; uwch yn mlaen erlidwyr, ac ymwrolwch, canys yr ydym ni a'n crefydd uwchben eich sawyr. Lles a wnewch i'n crefydd ni gwnewch olwi a fynoch. Ni allwch ei niweidio na'i rhwystro, ac nid yw yr oll a allwch wneyd neu ddweyd yn ddigon i rwystro carwyr y gwirionedd i'w ei gofleidio. Dim diolch i chwi serch hynny. Pwy na thosturiai wrth sefyllfa lygredig ein

gwlad, gan mai rhyw sothach anwireddus a gwarthus fel hyn sydd yn llanw colofnau eu cyhoeddiadau a broffesant fod yn grefyddol! Ie, dyma y bwyd iachus a bortha y rhai a alwant eu hunain yn "fugeiliaid y wlad," "athrawon y bobl, &c." ie, dyma iaith, chwaeth, a rhesymau y rhai a hönant fod yn "Efangylwyr Parchedig," a "duwiol-frydig" yr oes oleu hon!! Dyma enghreifftiau o honynt gan mwyaf stordd hyn, yn enwedig yn mblith y *Bedyddwyr!* Hawyr bach! Beth fyddai sefyllfa echryston ein gwlad pe caffai y rhai hyn ffrwynau y llywodraeth? Byddai yn ddiwedd byd yn ddiau ar y *Seintiau*, a phawb nad ymostyngent i'w *ibsi dixit* hwynt. Brenin y Saint a rodde yr amenau yn llaw y *chwillys* etto, yn hytrach nac o fewn cyrhaedd crafangau y *Bedyddwyr* creulon ac erlidgar hyn.

CRUSADE ROBERTS O RYMNY YN NINBYCH ETTO!

Ysgrifena Henuriad A. Evans, o Ddinbych, fod y gwr uchod yn traddodi yr un hanes anwireddus yno ag yn Dowlais, ar y Mormoniaid druan, ar y 29ain o Tachwedd. Dechreuodd ei ddarlith fel y canlyn:— "Nid hoff genyf y gwaith hwn, [sef o "gomplimentio y Diawl!"] ond da fuasai genyf pe buasai yma un yn ddigon galluog i'm gwrthsefyll ar y pwnc hwn (ebe efe wedi cyrhaedd dros gant o filldroedd oddiwrth ei hamddiffynwyr debygasai efe!) Ysgrifenudd arolygwr y Mormoniaid dros Gymru, *Adolygiad* ar y ddarlith hon, (ebe efe) ond nid yw hwnw yn werth un ateh ond ei adael dan sylw, am nad yw yn cyffwrdd dim a mi, &c." Aie, Syr! Dim yn cyffwrdd a chwi, aie? O, ydyw y mae yn gosod y gorden am eich gwddf, neu yn hytrach yn dangos fel y rhoddwech eich pen yn y gorden eich hun, ac fe y windiwech eich hun i ben eich crogbren eich hun; ac yno dalia chwi yn grogiedig ger gwydd pob dyn gonest, serch i chwi waeddi, Pw-pw, islaw sylw, &c. Pa grwt ar na alla waeddi hyna cystal a chwithau, ie, gellir dysgu hyny i *barrot*, ac adroddai mor bert a chwithau. Druan o honoch, os yw yr hyn a'ch fflangella mor llym ag y gwna yr *Adolygind* cyfeiriedig, "islaw eich sylw." Gato pawb, beth a deilynga eich sylw, wyddis! Efallai bod y sér a'r planedan dan eich traed chwi hefyd fel pethau *is-sylw*. Os na theilynga hwn eich sylw; ymdrechwn ddwyn eich sylw at y peth nesaf, os gwnewch eich hun yn destun sylw byth etto. Uchel iawn eich tren yn siwr! Rhyfedd iawn fod peth mor wael a Mormoniaeth wedi tynu cymmaint o'ch sylw! Tebyg na ddychymygasoch ei hod hi yn ddraenog, mor bigog, nac y gallai amddiffyn ei hun, ond cofiwch, y mae hi heb ymysgwyd o'i gwisg etto.

Hysbysa A. Evans ddarfod iddo ef ofyn canlatad ar gyhoedd, ar ol i'r areithydd ddiweddu, "a gaffai efe genad i gyhoeddi ei fod ef yn ameanu gwrthbrofi y ddarlith hono allan ar yr heol yn y fan." Mewn atebiad i'r hyn gwaeddi y gweinidog, anheg, "na chewch, na chewch." Dim diolch iddo, canys yr oedd y cyhoeddiad yn y cwestiwn. Yna cofhaodd A. Evans yr areithydd o'i feiddiad ar y dechreu i'w wrthwynebu ef ar y pwnc, a dywedai ei fod ef yn barod i wneyd y gymwynas hawdd hönö iddo ar y pryd, os caniatu ei. Ar hyn gwelodd ei drap, a meddylodd mai yr unig dwll a allai ddianc iddo oedd gwaeddi, blagardiaeth, is ei sylw, &c. Ac yn lle gadael i'r dyn amddiffyn ei grefydd ar ol ei faeddio i wneyd hyny dechreuodd y Parch. E. Roberts, o Rymny, Baalam y Sectariaid: Ie, bygythiodd fyned ac

A. Evans i *lodgings* yn y carchar, os ynganai air!!! Ni ddysgwylasom ddim gwell ganddo ychwaith, oherwydd gwelsom gynnifer o rai cyffelyh iddo gyda'r un gorchwyl parchus, o erlid plant Duw yn gwneyd yn gyffelyh, a gwyddom nad oes ynddo yntau un sugndod at wirionedd, onide ni thraethasai ei sothach aflan mor belled, tra y gwyddai mai y cyfryw oeddynt cyn cychwyn. Yr oedd hyn yn gyfle pert i ddangos ei hun, bid siwr, i'w hen gymydogion, ac yn ffurfio testun ymfrost; "y fath ddadleuwr yw Mr. Roberts, &c." Ond, Syr, yn eich awydd am hunan-glod, anghofiasoch daledigaeth y wobrwy ag sydd yn eich haros; a'r hyn a'ch goddiwedda fel ffrwd-lifeiriant, pan y hyddoch wedi gorphen gwneyd Mormoniaid, ac wedi cyflawni mesur eich hanwiredd. Daeth yr holl hobl ac ychwaneg nac oedd yn gwraudo y ddarlith i wrando ar A. Evans yn gwrthbrofi ei gamgyhuddiadau, a syndod mawr oedd gan y mwyrif o lawer fod un dyn, hyd y nod Roberts ei hun mor ffol a thraethu y fath chwedlau yn gyhoeddus. Sicrha A. Evans ddarfod i'r ddarlith wneyd lles mawr i Formomiaeth, ei fod ef wedi bedyddio un dranoeth a fuasai gyda y Bedyddwyr am dros dri ugain mlynedd! ac addawodd amryw ereill ufyddhau yn fuan. Mae pob peth yn cydweithio er daioni, gweler. Weithian cyflwynwn y gwirioneddau amddiffyniadol hyn i sylw ein darllenwyr, a gweddiwn ar i'n Duw ei bendithio er dwyn llawer i gofleiddio y gwir fel y mae yn yr Iesu. Amen.